



Comhairle an
Aontais Eorpaigh

An Bhruiséil, 3 Eanáir 2023
(OR. en)

16024/22
PV CONS 80
AGRI 715
PECHE 520

DRÉACHT-MHIONTUAIRISCÍ
COMHAIRLE AN AONTAIS EORPAIGH
(**Talmhaíocht agus Iascach**)
11 agus 12 Nollaig 2022

CLÁR

Leathanach

1. Glacadh an chláir oibre..... 4

Gníomhaíochtaí neamhrechtacha

IASCACH

2. Rialachán ón gComhairle lena socraítear le haghaidh 2023 na deiseanna iascaireachta le haghaidh stoic éisc áirithe agus grúpaí stoc éisc áirithe sa Mheánmhuir agus sa Mhuir Dhubh 4
3. Rialachán ón gComhairle lena socraítear le haghaidh 2023 na deiseanna iascaireachta le haghaidh stoic éisc áirithe agus grúpaí stoc éisc áirithe is infheidhme in uiscí an Aontais agus, i gcás soithí iascaireachta de chuid an Aontais, in uiscí áirithe nach uiscí de chuid an Aontais iad, chomh maith le deiseanna iascaireachta den sórt sin a shocrú le haghaidh 2023 agus 2024 le haghaidh stoic éisc áirithe domhainfharraige 4

Aon ghnó eile

4. Cuótaí ilbhliantúla a bhunú..... 4
5. Formheas na míreanna ‘A’ 5
Liosta na ngníomhaíochtaí neamhrechtacha

Gníomhaíochtaí neamhrechtacha

IASCACH

2. (ar lean.) Rialachán ón gComhairle lena socraítear le haghaidh 2023 na deiseanna iascaireachta le haghaidh stoic éisc áirithe agus grúpaí stoc éisc áirithe sa Mheánmhuir agus sa Mhuir Dhubh 5
3. (ar lean.) Rialachán ón gComhairle lena socraítear le haghaidh 2023 na deiseanna iascaireachta le haghaidh stoic éisc áirithe agus grúpaí stoc éisc áirithe is infheidhme in uiscí an Aontais agus, i gcás soithí iascaireachta de chuid an Aontais, in uiscí áirithe nach uiscí de chuid an Aontais iad, chomh maith le deiseanna iascaireachta den sórt sin a shocrú le haghaidh 2023 agus 2024 le haghaidh stoic éisc áirithe domhainfharraige 5

TALMHAÍOCHT

6. Staid an mhargaidh go háirithe tar éis an ionraidh ar an Úcráin 6
7. Pleananna Straitéiseacha faoi CBT: An staid reatha agus dúshlán nua..... 6
8. Meastóireacht ar reachtaíocht an Aontais maidir le leas ainmhithe (seiceáil oiriúnachta) 6

Aon ghnó eile

9.	(a)	Tograí reachtacha reatha	7
	(i)	Rialachán maidir le tásca geografacha agus scéimeanna cáilíochta – staid na himeartha	
	(b)	<i>‘Harmonized front of pack labelling and its impact on sustainable food labelling’</i> [Lipéadú comhchuibhithe ar aghaidh an phacáiste agus an tionchar atá aige ar lipéadú inbhuanaithe bia] (An Bhruiséil, an 10 Samhain 2022): Toradh na comhdhála ardleibhéil.....	7
	(a)	(<u>ar lean.</u>) Tograí reachtacha reatha	8
	(ii)	Rialachán maidir le húsáid inbhuanaithe táirgí cosanta plandaí – staid na himeartha	
IARSCRÍBHINN — Ráitis le haghaidh mhiontuairiscí na Comhairle.....			9

CRUINNÍÚ DÉ DOMHNAIGH, AN 11 NOLLAIG 2022

1. Glacadh an chláir oibre

Ghlac an Chomhairle an clár oibre a leagtar amach in 15657/1/22 REV 1.

Gníomhaíochtaí neamhrechtacha

IASCACH

2. **Rialachán ón gComhairle lena socraítear le haghaidh 2023 na deiseanna iascaireachta le haghaidh stoic éisc áirithe agus grúpaí stoc éisc áirithe sa Mheánmhuir agus sa Mhuir Dhubh** ☐(*) 15396/22
15115/1/22 REV 1
13592/22 + ADD 1

(An bunús dlí atá molta ag an gCoimisiún: Airteagal 43(3) CFAE)

Comhaontú polaitiúil

Tháinig an Chomhairle ar chomhaontú polaitiúil maidir leis an Rialachán lena socraítear le haghaidh 2023 deiseanna iascaireachta sa Mheánmhuir agus sa Mhuir Dhubh.

3. **Rialachán ón gComhairle lena socraítear le haghaidh 2023 na deiseanna iascaireachta le haghaidh stoic éisc áirithe agus grúpaí stoc éisc áirithe is infheidhme in uiscí an Aontais agus, i gcás soithí iascaireachta de chuid an Aontais, in uiscí áirithe nach uiscí de chuid an Aontais iad, chomh maith le deiseanna iascaireachta den sórt sin a shocrú le haghaidh 2023 agus 2024 le haghaidh stoic éisc áirithe domhainfharraige** ☐(*) 15397/22
14915/22
+ ADD1-2
14248/22
+ ADD 1-2

(An bunús dlí atá molta ag an gCoimisiún: Airteagal 43(3) CFAE)

Comhaontú polaitiúil

Tháinig an Chomhairle ar chomhaontú polaitiúil maidir leis an Rialachán lena socraítear le haghaidh 2023 na deiseanna iascaireachta le haghaidh stoic éisc áirithe agus grúpaí stoc éisc is infheidhme in uiscí an Aontais agus, i gcás soithí iascaireachta de chuid an Aontais, in uiscí áirithe nach uiscí de chuid an Aontais iad, agus le haghaidh 2023 agus 2024 le haghaidh stoic éisc dhomhainfharraige.

Aon ghnó eile

4. **Cuótaí ilbhliantúla a bhunú** ☐ 15730/22
Faisnéis ó thoscaireacht na Fraince, thar ceann thoscaireachtaí na Fraince, na Spáinne agus na Portaingéile

Bhí malartú tuairimí ag an gComhairle leis an gCoimisinéir Sinkevičius maidir leis an bhféidearthacht cuótaí ilbhliantúla a shocrú le haghaidh roinnt stoc éisc.

CRUINIÚ DÉ LUAIN, AN 12 NOLLAIG 2022

5. Formheas na míreanna ‘A’

Liosta na ngníomhaíochtaí neamhrechtacha

15377/22

Ghlac an Chomhairle na míreanna ‘A’ a liostaítear in 15377/22, lena n-áirítear na doiciméid COR agus REV a cuireadh faoina bráid lena nglacadh.

Le haghaidh na míreanna seo a leanas, léitear na doiciméid mar a leanas:

Seasaimh an Aontais sa chaibidlíocht idirnáisiúnta

7. Cinneadh ón gComhairle maidir leis an seasamh ón Aontas laistigh den Choiste Custaim den Chomhaontú Saorthrádála idir an tAontas Eorpach agus Singeapór
Glacadh
a d'fhormheas Coreper, Cuid 2, an 7.12.2022
- 14637/1/22 REV 1
14637/22 ADD 1
14636/22 + ADD 1
POLCOM

Gníomhaíochtaí neamhrechtacha

IASCACH

2. **(ar lean.) Rialachán ón gComhairle lena socraítear le haghaidh 2023 na deiseanna iascaireachta le haghaidh stoic éisc áirithe agus grúpaí stoc éisc áirithe sa Mheánmhuir agus sa Mhuir Dhubh**
(An bunús dlí atá molta ag an gCoimisiún: Airteagal 43(3) CFAE)
Comhaontú polaitiúil
Féach leathanach 4.
- (*) 15396/22
15115/1/22 REV 1
13592/22 + ADD 1
3. **(ar lean.) Rialachán ón gComhairle lena socraítear le haghaidh 2023 na deiseanna iascaireachta le haghaidh stoic éisc áirithe agus grúpaí stoc éisc áirithe is infheidhme in uiscí an Aontais agus, i gcás soithí iascaireachta de chuid an Aontais, in uiscí áirithe nach uiscí de chuid an Aontais iad, chomh maith le deiseanna iascaireachta den sórt sin a shocrú le haghaidh 2023 agus 2024 le haghaidh stoic éisc áirithe domhainfharraige**
(An bunús dlí atá molta ag an gCoimisiún: Airteagal 43(3) CFAE)
Comhaontú polaitiúil
Féach leathanach 4.
- (*) 15397/22
14915/22
+ ADD1-2
14248/22
+ ADD 1-2


TALMHAÍOCHT

6. Staid an mhargaidh, go háirithe tar éis an ionraidh a rinneadh ar an Úcráin 15475/1/22 REV 1
Faisnéis ón gCoimisiún agus ó na Ballstáit
Malartú tuairimí

7. **Pleananna Straitéiseacha faoi CBT: An staid reatha agus dúshlán nua**  15038/1/22 REV 1
Faisnéis ón gCoimisiún
Malartú tuairimí

Ar bhonn nóta ón Uachtaránacht a leagtar amach in 15038/1/22 REV 1, bhí malartú tuairimí ag an gComhairle maidir le Pleananna Straitéiseacha na mBallstát, an staid maidir lena bhformheas agus na dúshlán a bheidh ann maidir le cur chun feidhme an Chomhbheartais Talmhaíochta nua. Dhírigh na toscaireachtaí ar a n-iarrachtaí an t-amchlár i gcomhair chur chun feidhme an Chomhbheartais Talmhaíochta nua a bhaint amach agus ar na dúshlán lena bhfuil siad ag súil. Ghabh siad buíochas leis an gCoimisiún as a dhearcadh cuiditheach le linn phróiseas formheasa na bPleananna Straitéiseacha agus chuir siad in iúl go raibh siad ag súil go leanfadh an Coimisiún de bheith chomh cuiditheach céanna, go háirithe maidir leis an tuarascáil feidhmíochta bhliantúil, rialuithe agus ceartuithe airgeadais agus leasuithe a d'fhéadfaí a dhéanamh ar na Pleananna Straitéiseacha.

Thug an Chomhairle dá haire freisin an fhaisnéis a chuir an Coimisiún ar fáil lena n-áirítear maidir le próiseas formheasa na bpleananna straitéiseacha.

8. **Meastóireacht ar reachtaíocht an Aontais maidir le leas ainmhithe (seiceáil oiriúnachta)**  15182/22
Faisnéis ón Uachtaránacht agus ón gCoimisiún
Malartú tuairimí

Bhí malartú tuairimí ag an gComhairle maidir leis an athbhreithniú a dhéanfar amach anseo ar reachtaíocht an Aontais maidir le leas ainmhithe ar bhonn an nóta a thíolaic an Uachtaránacht, a leagtar amach in 15182/22. Thug an Chomhairle dá haire an fhaisnéis a chuir an Coimisiún ar fáil faoin reachtaíocht atá ann cheana. Thug an Chomhairle dá haire freisin barúlacha na dtoscaireachtaí agus an Choimisiúin ar an athbhreithniú a dhéanfar amach anseo.


Aon ghnó eile

9. Talmhaíocht

(a) **Tograí reachtacha reatha**

(Plé poiblí i gcomhréir le hAirteagal 16(8) den Chonradh ar an Aontas Eorpach)


(i) **Rialachán maidir le tásca geografacha agus scéimeanna cáilíochta – staid na himeartha**
Faisnéis ón Uachtaránacht

 15112/22

Thug an Chomhairle dá haire staid na himeartha i ndáil leis an Rialachán maidir le tásca geografacha agus scéimeanna cáilíochta, ar bhonn tuarascáil ar dhul chun cinn ón Uachtaránacht, mar a leagtar amach in 15112/22. Thug sí dá haire freisin na barúlacha a thug na toscaireachtaí agus an Coimisiún.

(b) ***‘Harmonized front of pack labelling and its impact on sustainable food labelling’* [Lipéadú comhchuibhithe ar aghaidh an phacáiste agus an tionchar atá aige ar lipéadú inbhuanaithe bia] (An Bhruiséal, an 10 Samhain 2022): Toradh na comhdhála ardleibhéil**


Faisnéis ón Uachtaránacht

 15465/22




Thug an Chomhairle dá haire an fhaisnéis a chuir an Uachtaránacht ar fáil maidir leis an toradh a bhí ar an gcomhdháil ardleibhéil *Harmonized front of pack labelling and its impact on sustainable food labelling* [Lipéadú comhchuibhithe ar aghaidh an phacáiste agus an tionchar atá aige ar lipéadú inbhuanaithe bia], mar a leagtar amach in 15465/22 í.

Thug an Chomhairle dá haire freisin na barúlacha a thug na Ballstáit agus an Coimisiún.

(a) **(ar lean.) Tograí reachtacha reatha**
(Plé poiblí i gcomhréir le hAirteagal 16(8) den Chonradh ar an Aontas Eorpach)

(ii) **Rialachán maidir le húsáid inbhuanaithe táirgí**  **15774/22**
cosanta plandaí – staid na himeartha
Faisnéis ón Uachtaránacht

Thug an Chomhairle dá haire an fhaisnéis a chuir an Uachtaránacht ar fáil maidir le staid na himeartha i ndáil leis an obair ar an togra le haghaidh Rialachán maidir le húsáid inbhuanaithe táirgí cosanta plandaí. Thug an Chomhairle dá haire freisin na barúlacha a thug na Ballstáit maidir leis an ábhar seo, chomh maith leis an bhfreagra ón gCoimisiún ar na saincheisteanna a tarraingíodh anuas.

-
-  An chéad léamh
-  Mír atá bunaithe ar thogra ón gCoimisiún
- (*) Mír ar féidir vótáil a iarraidh ina leith
-  Plé poiblí arna mholadh ag an Uachtaránacht (Airteagal 8(2) de Rialacha Nós Imeachta na Comhairle)
-

Ráitis a ghabhann leis na míreanna reachtacha ‘B’ a leagtar amach in 15657/1/22 REV 1

Rialachán ón gComhairle lena socraítear le haghaidh 2023 na deiseanna iascaireachta le haghaidh stoic éisc áirithe agus grúpaí stoc éisc áirithe is infheidhme in uiscí an Aontais agus, i gcás soithí iascaireachta de chuid an Aontais, in uiscí áirithe nach uiscí de chuid an Aontais iad, chomh maith le deiseanna iascaireachta den sórt sin a shocrú le haghaidh 2023 agus 2024 le haghaidh stoic éisc áirithe domhainfharraige

Aguisín ‘B’ mír 3:

(An bunús dlí atá molta ag an gCoimisiún: Airteagal 43(3) CFAE)
Comhaontú polaitiúil

RÁITEAS ÓN mBEILG, ÓN DANMHAIRG, ÓN bhFRAINC, ÓN nGEARMÁIN, Ó ÉIRINN, ÓN ÍSILTÍR, ÓN LIOTUÁIN, ÓN EASTÓIN, ÓN SPÁINN, ÓN bPORTAINGÉIL AGUS ÓN tSUALAINN maidir le cur i bhfeidhm Airteagal 15(9) i mBunrialachán COD/03AS; RNG/03-; BLI/12INT-; BLI/24-; BLI/03A; COD/5BE6A; COD/07A; COD/7XAD34; HER/7G-K; PRA/2AC4-C; SOL/56-14; WHG/07A; JAX/2A-14; JAX/08C agus SBR/678- in 2023

‘Ós rud é go bhfuil bithmhais stoic COD/03AS; RNG/03-; BLI/12INT-; BLI/24-; BLI/03A; COD/5BE6A; COD/07A; COD/7XAD34; HER/7G-K; PRA/2AC4-C; SOL/56-14; WHG/07A; JAX/2A-14; JAX/08C agus SBR/678- faoi bhun Blim agus nach gceadófar ach foghabháil agus iascaigh eolaíocha in 2023, chun téarnamh na stoc a áirithiú i gcomhréir le Rialachán (AE) 2018/973 agus (AE) 2019/472, geallann an Bheilg, an Danmhairg, an Fhrainc, an Ghearmáin, Éire, an Ísiltír, an Liotuáin, an Eastóin, an Spáinn, an Phortaingéil agus an tSualainn nach n-úsáidfídh siad an tsolúbthacht idirbhliantúil faoi Airteagal 15(9) de Rialachán (AE) Uimh. 1380/2013 maidir leis na stoic sin in 2023. Is freagairt ar na himthosca eisceachtúla atá ann faoi láthair do na stoic sin an gealltanais seo.’

RÁITEAS ÓN gCOIMISIÚN

maidir le stoic roinnte arna mbainistiú faoi ghabhálacha iomlána incheadaithe sealadacha

‘Bunaítear gabhálacha iomlána incheadaithe sealadacha chun go mbeidh cabhlaigh an Aontais in ann leanúint de ghníomhaíochtaí iascaireachta gan réamhbhreithiúnas a dhéanamh ar thoradh na gcomhairliúchán idirnáisiúnta atá ar siúl faoi láthair. Déanfaidh an Coimisiún faireachán ar staid na stoc atá á roinnt leis an Ríocht Aontaithe agus an Iorua agus atá faoi réir gabhálacha iomlána incheadaithe sealadacha. Ar bhonn ghlacadh na geuótaí arna dtuairisciú ag na Ballstáit agus torthaí na gcomhairliúchán á gcur san áireamh, déanfaidh an Coimisiún a mhachnamh agus cuirfidh sé moltaí ábhartha maidir leis an mbealach chun cinn agus athbhreithnithe a d’fhéadfaí a dhéanamh ar leibhéal shealadacha na ngabhálacha iomlána incheadaithe i láthair, go háirithe maidir le séasúracht gníomhaíochtaí iascaireachta, chun aghaidh a thabhairt ar riachtanais na mBallstát, nó chun gabhálacha iomlána incheadaithe cinntitheacha a bhunú.’

RÁITEAS ÓN mBEILG, ÓN DANMHAIRG, ÓN bhFRAINC, ÓN ÍSILTÍR AGUS ÓN nGEARMÁIN

maidir le Roghanna na Háige

‘Is é a mheasann an Bheilg, an Danmhairg, an Ghearmáin, an Ísiltír agus Fhrainc go ndearnadh na scálaí maidir le cionroinnt na geuótaí ar na Ballstáit a chomhaontú in 1983. Is iad na scálaí sin is bonn leis an gcobhsaíocht coibhneasta, prionsabal arna bhunú leis an mbun-Rialachán lena rialaítear an Comhbheartas Iascaigh. Measaimid go bhfuil roghanna na Háige contrártha le prionsabal na cobhsaíochta coibhneasta.’

RÁITEAS ÓN gCOIMISIÚN

maidir le gliomach na hIorua, roinn 8c, AF 25 agus roinn 9a, AFanna 26 agus 27

‘Sheol an Coimisiún iarraidh chuig ICES in 2022 maidir lena iomchuí a bheadh sé iascach táscach a dhéanamh le haghaidh ghliomach na hIorua i roinn 8c ICES, aonad feidhmiúil (AF) 25, agus roinn 9a, AF 26 agus AF 27, agus na dálaí faoina ndéanfaí amhlaidh. Chuir ICES an Coimisiún ar an eolas nach bhfuil iascach táscach de dhíth a thuilleadh chun a mheasúnú ar na stoic sin a thabhairt i gcrích, agus thug sé dá aire go meastar go bhfuil bithmhais na stoc sin níos lú ná Blim. Iarrfaidh an Coimisiún ar ICES, sa chéad ráithe de 2023, leibhéal na n-iascach a sholáthar lena gcuirfí ar chumas na mBallstát leanúint lena sraith sonraí gabhála spleách ar iascaigh le haghaidh ghliomach na hIorua i roinn 8c, AF 25, agus i roinn 9a, AFanna 26 agus 27, agus d’fhonn ionchur níos fearr a chur ar fáil don chomhairle eolaíoch.’

RÁITEAS COMHPHÁIRTEACH ÓN gCOIMISIÚN agus ÓN bPORTAINGÉIL maidir le faisnéis eolaíoch i ndáil le deargán in 10

‘Tiomnaíonn an Phortaingéil go dtabharfaidh sí do ICES na sonraí eolaíocha ábhartha is cothroime le dáta agus is iomláine maidir le deargán i bhfolimistéar 10 ICES (Meánna na n-Asór) a fhaightear tríd an suirbhé spiléir grinnill, chun bonn eolais a chur faoin innéacs d’fhorbairt stoic a úsáideann ICES. Má thugann an Phortaingéil sonraí nua den chineál sin do ICES agus nuair a thabharfaidh sí na sonraí sin dó, iarrfaidh an Coimisiún ar ICES machnamh a dhéanamh ar chomhairle nuashonraithe a sholáthar lena n-ionchorpraítear na sonraí nua sin in 2023.’

RÁITEAS COMHPHÁIRTEACH ÓN gCOIMISIÚN agus ÓN bPORTAINGÉIL maidir le faisnéis eolaíoch i ndáil le sól in 8cde, 9 agus 10

‘Tiomnaíonn an Phortaingéil go dtabharfaidh sí do ICES sonraí eolaíocha iomlána le haghaidh *Solea senegalensis* agus *Pegusa lascaris* in uiscí an Atlantaigh timpeall ar Leithinis na hIbéire (folimistéar 9 ICES), ar leithligh ó na sonraí sin a thugann sé cheana féin i gcás *Solea solea*. D’fhágfadh sonraí eolaíocha leordhóthanacha go bhféadfaí measúnú a dhéanamh freisin ar *Solea senegalensis* agus *Pegusa lascaris*. Faoi láthair tá gach speiceas sól faoi TAC comhcheangailte le haghaidh speiceas sól i ranna 8cde, folimistéir 9 agus 10 (Bá na Bioscáine Theas, uiscí an Atlantaigh timpeall ar Leithinis na hIbéire agus Meánna na n-Asór) agus cuireann ICES comhairle MSY ar fáil le haghaidh *Solea solea* i ranna 8c agus 9a agus i gcás an dá speiceas eile ní thugann sé aon chomhairle. Má thugann an Phortaingéil sonraí nua den sórt sin do ICES agus nuair a thabharfaidh sí na sonraí sin dó, iarrfaidh an Coimisiún ar ICES machnamh a dhéanamh ar chomhairle a chur ar fáil maidir leis na stoic ábhartha uile i mBá na Bioscáine Theas, in uiscí Leithinis na hIbéire agus i Meánna na n-Asór.’

RÁITEAS ÓN gCOIMISIÚN

maidir le comhairle eolaíoch faoin sól i ranna 8a agus 8b

‘Tugann an Coimisiún dá aire gur thuiriscigh ICES gur tháinig laghdú ar an ráta básmhaireachta iascaigh sóil i ranna 8ú agus 8b ICES (Fad na Bioscáine) don bhliain idirmheánach 2022 sa chomhairle uaidh le haghaidh 2023, agus go bhfuil athbhreithniú anuas déanta ag ICES ar an earcaíocht le blianta beaga anuas. Meabhraíonn an Coimisiún freisin gur sa bhliain 2013 a rinne ICES an tagarmharc deireanach don stoc sin.

Tá sé beartaithe ag an gCoimisiún, bunaithe ar an méid sin thuas a mheá, é seo a leanas a dhéanamh: (i) iarraidh ar ICES an bhféadfadh sé gur tháinig athrú ar dhinimic an stoic i gcás an tsóil bunaithe ar an measúnú is déanaí; agus (ii) iarraidh ar ICES a mheas, bunaithe ar scéim tosaíochta tagarmharcanna ICES, an iarrthóir le haghaidh tagarmhairc é an sól i mBá na Bioscáine. Sa chomhthéacs go bhféadfadh tagarmharc a bheith ann, spreagfaidh an Coimisiún ICES freisin chun an méid seo a leanas a dhéanamh: (i) samhlacha nua atá ar fáil a mheas agus faisnéis nua maidir leis an bhfad ag tráth na haibíochta a chur san áireamh; (ii) tosca comhshaoil a d’fhéadfadh tionchar a imirt ar an earcaíocht agus ar an ráta básmhaireachta nádúrtha a fhiosrú.’

GEALLTANAS ÓN bhFRAINIC AGUS ÓN SPÁINN d'iascach doingean mara i mBá na Bioscáine

‘Is díol sásaimh don Fhrainc agus don Spáinn dea-bhail stoc an doingin mara Eorpaigh (*Dicentrarchus labrax*) i ranna 8a agus 8b ICES (Bá na Bioscáine) agus na bearta freagracha a chuirtear chun feidhme ar an leibhéal náisiúnta.

Ós rud é go socraíonn ICES luach MSY ar leibhéal 3398 tonna, geallann an Fhrainc a scéim bainistíochta náisiúnta a choinneáil in 2023.’

RÁITEAS COMHPHÁIRTEACH ÓN gCOIMISIÚN agus ÓN mBEILG maidir le tacaíocht fhéideartha do chabhlach iascaigh leathóige na Beilge

‘Mar gheall ar an laghdú mór ar na deiseanna iascaireachta le haghaidh leathóg i gCaolas Bhriostó (7FG) le haghaidh 2023, fiosróidh an Coimisiún agus an Bheilg, faoi chuimsiú an chreata dhlíthiúil atá ann cheana, na féidearthachtaí chun tacaíocht ábhartha iomchuí a úsáid, lena n-áirítear tacaíocht airgeadais, do chabhlach iascaigh leathóige na Beilge lena mbaineann.’

RÁITEAS ÓN nGEARMÁIN, ÓN SPÁINN, ÓN bhFRAINIC, ÓN bPOLAINN AGUS ÓN bPORTAINGÉIL maidir le trosc Svalbard

‘Is oth leis an nGearmáin, an Spáinn, an Fhrainc, an Pholainn agus an Phortaingéil nach gcloíonn an Iorua leis an tuiscint pholaitiúil idir an tAontas agus an Iorua ó mhí Aibreáin 2022, ós rud é nach leagann sí síos cuóta don Aontas le haghaidh trosc in uiscí Svalbard a chomhfhreagraíonn do chearta stairiúla an Aontais agus do sciar an Aontais don stoc sin. Meabhraíonn na Ballstáit thuasluaite a gcearta iascaireachta stairiúla seanbhunaithe i limistéar Svalbard, mar a chumhdaítear le Conradh Pháras 1920. Impíonn siad ar an Iorua cearta agus leasanna an Aontais agus na mBallstát in Svalbard, lena n-áirítear cearta iascaireachta, a urramú go hiomlán.

Iarrann na Ballstáit thuasluaite ar an Iorua agus ar an gCoimisiún dul i gcomhairle go pras agus é mar aidhm acu cuóta iomlán an Aontais le haghaidh 2023 a bhunú tráth nach déanaí ná mí an Mhárta 2023. Meabhraíonn siad freisin, i ngeall ar na stadanna iascaireachta a d’eisigh an Iorua in 2021, nárbh fhéidir 5 143 thona ar an iomlán de chuóta trosc an Aontais a iascach i Limistéar Eacnamaíoch Eisiach na hIorua. Cuireann na Ballstáit in iúl go bhfuil díomá orthu nár chuir an Iorua an chainníocht sin ar fáil don Aontas sna malartuithe déthaobhacha le haghaidh 2023. Ba cheart an tsaincheist sin a réiteach a luaithe is féidir.

Is mór ag an nGearmáin, an Spáinn, an Fhrainc, an Pholainn agus an Phortaingéil go bhfuil an Coimisiún réidh chun dul i gcomhairle go pras leis an Iorua maidir leis na saincheisteanna thuasluaite.’

RÁITEAS ÓN bhFRAINIC maidir le leithdháileadh acmhainneachta feirmeoireachta tuinníní gorma

‘Le cur i bhfeidhm meastóireachta ar straitéis bhainistíochta (MSE) ar thuinníní gorma, a cinneadh le linn an 23ú cruinniú urghnách den Choimisiún Idirnáisiúnta um Thuinníní Atlantacha a Chaomhnú, bhíothas in ann deiseanna iascaireachta an Aontais Eorpaigh a mhéadú ó 19 311 thona in 2022 go 21 503 thona le haghaidh na mblianta 2023-2025. Chun déileáil leis an méadú ar an soláthar a thagann as sin, agus chun cur le suíomh a tionscail ar na margáí idirnáisiúnta, measann an Fhrainc gur cheart di acmhainneacht feirmeoireachta agus ramhraithe tuinníní gorma a fháil i gcomhréir lena deiseanna iascaireachta. Tá an Fhrainc réidh chun oibriú leis an gCoimisiún agus leis na Ballstáit chun an acmhainneacht sin a bhaint amach, i gcomhréir le rialacha an Chomhbheartais Iascaigh.’

RÁITEAS Ó ÉIRINN

maidir le comhaontú an Phlean Bhainistíochta ilbhliantúil le haghaidh Tuinníní Gorma a glacadh ag Cruinniú Bliantúil ICCAT a bhí ar siúl an mhí seo caite

‘Is díol sásaimh d’Éirinn gur glacadh Plean Bainistíochta ilbhliantúil nua le haghaidh Tuinníní Gorma ag cruinniú ICCAT a bhí ar siúl an mhí seo caite, ina dtugtar faoi deara gurb é 21,503 thona cuóta an Aontais anois don tréimhse 2023-2025 agus go bhfuil leithdháileadh iomlán 63 thona faighte ag an Ríocht Aontaithe, a aithnítear anois mar pháirtí conarthach.

Measann Éire, má tá cás ann maidir le leithdháileadh don Ríocht Aontaithe, go bhfuil cás chomh láidir céanna ann d’Éirinn, mar Bhallstát den Aontas, maidir le sciar de chuóta an Aontais chun iascach spriocdhírthe a cheadú i bhfianaise a flúirse atá an Tuinnín Gorm in uiscí timpeall na hÉireann.’

RÁITEAS ÓN gCOMHAIRLE AGUS ÓN gCOIMISIÚN maidir le ronnach a thabhairt anonn ó 2022 go 2023

‘Tugann an Coimisiún agus an Chomhairle dá n-aire go bhfuil cuóta 12.460 t san Aontas gan leithdháileadh in 2022. Gan dochar don phlé maidir le leithdháileadh inmheánach na ronnach, leanfaidh an Chomhairle agus an Coimisiún de na féidearthachtaí uile a fhiosrú ionas go mbeidh an tAontas in ann úsáid a bhaint as a chuóta ronnach uile.’

RÁITEAS ÓN SPÁINN

i ndáil leis an Rialachán maidir leis an Mheánmhuir

‘Ba mhaith leis an Spáinn a chur in iúl go bhfuil dhá fhoráil maidir leis an rialachán, a bhaineann leis an uasteorainn ar ghabhálacha séaclaí dearga agus leis an iarracht iascaireachta do bháid spiléireachta, a ndearna Ríocht na Spáinne cás dlí a chomhdú ina coinne os comhair Chúirt Bhreithiúnais an Aontais Eorpaigh atá ar feitheamh go fóill.’

RÁITEAS COMHPHÁIRTEACH ÓN gCOIMISIÚN AGUS ÓN OSTAIR, ÓN mBEILG, ÓN mBULGÁIR, ÓN gCRÓIT, ÓN gCIPIR, Ó PHOBLACHT NA SEICE, ÓN EASTÓIN, ÓN bhFIONLAINN, ÓN nGEARMAÍN, ÓN nGRÉIG, ÓN UNGÁIR, Ó ÉIRINN, ÓN LIOTUÁIN, Ó LUCSAMBURG, Ó MHÁLTA, ÓN bPOLAINN, ÓN bPORTAINGÉIL, ÓN RÓMÁIN AGUS ÓN tSLÓVAIC

maidir leis an téarnamh don eascann Eorpach a neartú

‘Ag admháil di, in ainneoin iarrachtaí an Aontais agus iarrachtaí idirnáisiúnta, go bhfuil drochbhail i gcónaí ar stoc na heascainne Eorpaí (*Anguilla anguilla*), mar a dhearbhaítear leis an gcomhairle is déanaí ó ICES an 3 Samhain 2022;

Ag tabhairt dá haire go ndearna an tAontas Idirnáisiúnta um Chaomhnú an Dúlra (IUCN) athmheasúnú ar stádas caomhantais na heascainne Eorpaí mar speiceas atá i mbaol criticiúil agus ag meabhrú di go bhfuil an speiceas liostaithe ar Liosta Dearg Eorpach na nIasc Fionnuisce, Foscríbhinn II den Choinbhinsiún maidir le Trádáil Idirnáisiúnta i Speicis Fauna agus Flora Fiáine i mBaol (CITES), Foscríbhinn II den Choinbhinsiún maidir le Caomhnú na Speiceas Imirceach (CMS), Liosta na Speiceas faoi Bhagairt den Choinbhinsiún maidir le Cosaint Mhuirthimpeallacht an Atlantaigh Thoir Thuaidh (OSPAR), agus Iarscríbhinn III de Phrótacal Choinbhinsiún Barcelona; Ag admháil di, cé go bhfuil earcaíocht eascann cobhsaí anois, fós féin go bhfuil sí ag an leibhéal is ísle riamh, agus nach bhfuil an chuma air go rachaidh sí i bhfeabhas; gur dócha gur a bhúil le laghdú na hiarrachta iascaireachta in go leor Ballstát a tháinig cobhsú ar an stoc; gur sprioc fhadtéarmach é an stoc a athshlánú lena gceanglaítear aghaidh a thabhairt ar éalú sceitheanna ar bhealach níos cuimsithí, go háirithe trí athshlánú gnáthóige agus nascacht fheabhsaithe aibhneacha, agus trí shaothrú na stoc a theorannú;

Á admháil di gurb iad na brúnna éagsúla is cúis le básmhaireacht eascann, amhail stáisiúin hidreachumhachta agus chaidéalaithe agus bacainní eile in aibhneacha, cailliúint agus díghrádú gnáthóg, trí iascaireacht tráchtála agus áineasa in uiscí mara, cósta agus intíre, truailliú, éilleáin, galair, trí chreachóireacht, agus mar gheall ar an athrú aeráide;

Á mheabhrú di na gealltanais a tugadh cheana faoin Dearbhú Comhpháirteach maidir leis an téarnamh don eascann Eorpach a neartú (an Coimisiún agus na Ballstáit) a comhaontaíodh i gComhairle AGRIFISH 2017 i mí na Nollag, Moladh CGIM/42/2018/1 maidir le plean bainistíochta ilbhliantúil don eascann Eorpach sa Mheánmhuir arna leasú le Moladh CGIM/45/2022/1, Dearbhú Aireachta Chomhdháil ‘Ár Muir Bhailt’ agus Plean Gníomhaíochta HELCOM do Mhuir Bhailt, Moladh OSPAR 2014/15 maidir le cur chun cinn chosaint agus chaomhnú na heascainne Eorpaí (Anguilla anguilla), Gníomhaíocht Chomhordaithe CMS maidir leis an eascann Eorpach, agus na Conclúidí ón gComhairle maidir le Straitéis Bhithéagsúlachta an Aontais do 2030;

Á thabhairt dá haire go bhfuil iarrachtaí á ndéanamh cheana féin ag na Ballstáit an stoc eascann Eorpach a atógáil/a athbhunú, agus gur cuireadh stop leis an meath géar ar an stoc ach go bhfuil an stoc fós ar íosleibhéal stairiúil;

Á thabhairt dá haire gur thángthas ar an gconclúid in 2020 sa mheastóireacht ón gCoimisiún ar an Rialachán maidir leis an Eascann, le tacaíocht ón staidéar meastóireachta seachtraí, gur gá cur chun feidhme an Rialacháin maidir leis an Eascann a fheabhsú agus go bhfuil gá le huailmhian bhreise agus béim níos mó á leagan ar thionchair nach mbaineann le hiascach, agus gur sainaithníodh dea-chleachtais i gcaomhnú agus i mbainistiú eascann sna Ballstáit i gcomhthéacs na meastóireachta sin;

Á thabhairt dá haire nach bhfuil aon dul chun cinn foriomlán ann maidir le baint amach chuspóir Rialachán (CE) Uimh. 1100/2007 ón gComhairle lena mbunaítear bearta chun an stoc eascann Eorpach a théarnamh (ar a dtugtar ‘an Rialachán maidir leis an Eascann’), mar a dhearbhaigh ICES sa chomhairle uaidh an 30 Bealtaine 2022 maidir leis an meastóireacht theicniúil ar an dul chun cinn atá déanta ag na Ballstáit maidir lena bPleananna Bainistíochta Eascann a chur chun feidhme;

Á thabhairt dá haire go bhfuil comhaontuithe trasteorann ann idir na Ballstáit agus/nó a réigiúin, agus/nó idir Ballstáit agus tríú tíortha chun gnáthóga na heascainne nádúrtha trasteorann a chaomhnú agus a bhainistiú;

Á athdhearbhú di go bhfuil gá le gníomhaíocht phráinneach agus le tuilleadh iarrachtaí chun téarnamh an stoic thar a raon nádúrtha a áirithiú agus gur gá bearta a neartú chun básmhaireacht na n-eascann de bharr gach brú antrapaigineach le linn gach céim de shaol na heascainne a laghdú a thuilleadh agus chun cur le céimshrianta eascanna fásta aibí chuig an bhfarraige oscailte le haghaidh sceite i Muir Sargasso;

Ós rud é gur bunaíodh dúnadh sealadach iascach eascann in Uiscí an Aontais i limistéir ICES agus sa Mheánmhuir le Rialacháin bhliantúla an Aontais lena socraítear deiseanna iascaireachta agus gur comhaontaíodh síneadh a chur leis an tréimhse choiscthe sin nó leis an tréimhse/na tréimhsí coiscthe sin i gcomhréir le patrúin imirce na speiceas agus nach mór faireachán a dhéanamh ar an idirghníomhaíocht a d’fhéadfadh a bheith ann le pleananna náisiúnta bainistithe eascann;

Á thabhairt dá haire gur gá oibriú le tríú tíortha ar fud réimse nádúrtha na heascainne Eorpaí chun cur chuige cuimsitheach comhordaithe a áirithiú maidir le téarnamh an stoic i measc na ngeallsealbhóirí uile;

Ós díol sásaimh di an cinneadh ó CGIM plean bainistíochta fadtéarmach don eascann Eorpach sa Mheánmhuir a fhorbairt faoi 2023 agus a chur chun feidhme i gcomhar le Stáit nach bhfuil san Aontas agus á chur i dtreis di go bhfuil gealltanais tugtha ag an Aontas togra chuige sin a chur síos ag Seisiún Bliantúil CGIM 2023;

Á thuiscint di go bhfuil gá le cur chuige níos cuimsithí agus bearta fadréimseacha i ngnáthóga uile eascann agus le linn gach céime de shaolré na heascainne ón eascann ghloine go dtí an eascann bhúí go dtí céim na heascainne airgid i gcomhair théarnamh na heascainne Eorpaí, ar speiceas imirceach fadsaolach é;

Á thabhairt dá haire gur ghlac an Coimisiún i mí an Mheithimh 2022 togra le haghaidh Dlí um Athbhunú an Dúlra faoin Straitéis Bhithéagsúlachta do 2030 arb é is aidhm dó éiceachórais dhíghrádaithe a athbhunú faoi 2050 agus, *inter alia*, 25 000 km d'aibhneacha a bhunú an athuair mar aibhneacha saorshreabhaidh, agus gnáthóga áirithe a athbhunú i mbogaigh chósta agus intíre, murlaigh agus inbhir.

Á thabhairt dá haire go bhfuil sé ar intinn ag an gCoimisiún plé a dhéanamh go luath in 2023 i gcomhar leis na Ballstáit ar conas cur chun feidhme a bpleananna náisiúnta bainistíochta eascann a neartú, ar na bearta faoin Rialachán maidir leis an Eascann agus faoin reachtaíocht ábhartha.

Á thabhairt dá haire, ag brath ar na gníomhaíochtaí atá le déanamh, go n-áirítear sa chur chuige comhair tacaíocht airgeadais trí ionstraimí cistiúcháin éagsúla le haghaidh bearta caomhnaithe mar thaca le cosaint na bithéagsúlachta níos leithne a rachaidh chun tairbhe do théarnamh an stoic eascann Eorpach, lena n-áirítear chun aibhneacha a athchóiriú agus bacainní a bhaint (LIFE, Fís Eorpach, Ciste Forbraíochta Réigiúnaí na hEorpa, an Ciste Comhtháthaithe, an Ciste Eorpach Talmhaíochta um Fhorbairt Tuaithe, CEMID agus Invest EU).

A chomhaontú cosaint an stoic Eascann Eorpach (Anguilla anguilla) a neartú

Chuige sin:

1. Tháinig an Coimisiún agus an Ostair, an Bheilg, an Bhulgáir, an Chróit, an Chipir, Poblacht na Seice, an Eastóin, an Fhionlainn, an Ghearmáin, an Ghréig, an Ungáir, Éire, an Liotuáin, Lucsamburg, Málta, an Pholainn, an Phortaingéil, an Rómáin agus an tSlóvaic ar chomhaontú maidir leis an Dearbhú Comhpháirteach sin mar chomhar treisithe chun eascann Eorpach a athbhunú. Sa chomhar treisithe sin tá bearta le haghaidh uiscí intíre agus mara chun cuidiú leis an stoc agus a ghnáthóga a athbhunú, ar bearta iad a bheidh mar bhonn le hiascaigh agus feirmeoireacht inbhuanaithe bhrabúsach eascann amach anseo.
2. Cuirfidh na Ballstáit sin dlús lena n-iarrachtaí a bPleananna Bainistíochta Eascann agus a mbearta faoin Rialachán maidir leis an Eascann a chur chun feidhme ina n-iomláine, agus tús áite á thabhairt acu do bhearta caomhnaithe éifeachtacha sna gnáthóga go léir a thugann aghaidh ar na tosca básmhaireachta antrapaigineacha uile, agus i gcás inarb iomchuí, béim níos mó a chur ar aghaidh a thabhairt ar bhrúnna in uiscí intíre agus ar bhásmhaireacht nach mbaineann le hiascach. Agus an méid sin á dhéanamh acu, cuirfidh na Ballstáit sin feabhas ar an gcomhar idir riaracháin náisiúnta agus réigiúnacha éagsúla atá freagrach as bearta agus gníomhaíochtaí a bhunú agus a chur chun feidhme chun cur chuige comhordaithe agus comhleanúnach a áirithiú i leith stoc eascann Eorpach a chaomhnú agus a bhainistiú.
3. Na Ballstáit sin nach bhfuil a bPlean Bainistíochta Eascann bunaithe acu fós, déanfaidh siad amhlaidh i gcás inarb iomchuí agus gan a thuilleadh moille, agus cuirfidh siad faoi bhráid an Choimisiúin iad faoi lár-2023 lena bhformheas.
4. I gcás na limistéar trasteorann agus trasnáisiúnta ina bhfuil gnáthóga eascann nádúrtha, agus i gcás inarb iomchuí agus inar féidir, bunóidh na Ballstáit lena mbaineann plean nó pleananna trasteorann bainistíochta eascann agus cuirfidh siad faoi bhráid an Choimisiúin iad lena nglacadh.
5. I gcás nach bhfuil a spriocanna féin maidir le básmhaireacht iascaireachta agus éalú bithmhaise á mbaint amach ag pleananna bainistíochta náisiúnta eascann, cuirfidh na Ballstáit lena mbaineann bearta i bhfeidhm a luaithe is féidir maidir lena n-iascaigh inmheánacha eascann, ar bearta iad a mbeidh an éifeacht chéanna acu leis na bearta a comhaontaíodh sa rialachán maidir le deiseanna iascaireachta.
6. Déanfaidh na Ballstáit sin athbhreithniú ar na cleachtais athstocála atá ann faoi láthair chun a áirithiú go n-úsáidfear cistí poiblí chun tacú leis na fíorbhearta caomhnaithe a chuireann le téarnamh na n-eascann.
7. Cuirfidh na Ballstáit sin feabhas ar an úsáid a bhaintear as cistí an Aontais, lena n-áirítear chun críocha bithéagsúlachta níos leithne, rud a rachaidh chun tairbhe do théarnamh na n-eascann.

8. Cuirfidh na Ballstáit sin feabhas ar rialú iascaigh eascann de réir mar is iomchuí agus cuirfidh siad lena n-iarrachtaí i ndáil le hiascaireacht neamhdhleathach eascann agus trádáil mhídhleathach eascann, go háirithe eascanna gloine, a chomhrac agus áiritheoidh siad go gcomhlíonfar srianta CITES ar an trádáil idirnáisiúnta agus ar chinneadh Bhallstáit an Aontais maidir le cuóta nialais onnmhairithe agus allmhairithe le haghaidh eascanna Eorpacha. Rialóidh na Ballstáit gach tabhairt i dtír eascann gloine.
9. Neartóidh na Ballstáit sin rialú, cur chun feidhme agus forfheidhmiú na mbeart arna nglacadh maidir leis an eascann Eorpach chun cothroime iomaíochta a áirithiú ar fud an Aontais, agus chun an iascaireacht neamhdhleathach, an phóitseáil agus an trádáil neamhdhleathach a chomhrac. Tacóidh an Coimisiún leis na Ballstáit sin san iarracht sin trína mholadh go ndéanfaí athbhreithniú ar na cláir shonracha um rialú agus cigireacht (SCIPeanna) lena dtreiseofaí an leibhéal rialaithe le haghaidh eascann de réir sprioc-thagarmharcanna le haghaidh cigireachta ag 100 % i gcás gabhálacha eascann a thugtar i dtír. Sa chomhthéacs sin, molfaidh an Coimisiún leasú ar Chinneadh Cur Chun Feidhme (AE) 2018/1986 ón gCoimisiún ‘Clár Sonrach um Rialú agus Cigireacht’. Ina theannta sin, méadóidh na Ballstáit sin leibhéal na rialuithe ar threalamh neamhdhleathach ina n-uiscí, chomh maith le rialuithe sa mhargadh agus ag a dteorainneacha seachtracha, agus oibreoidh siad i gcomhar lena chéile, leis an gCreat-Chomhaontú um Chomhar Eacnamaíoch agus le Europol, de réir mar is gá, chun an iascaireacht neamhdhleathach, an phóitseáil agus an trádáil neamhdhleathach a stopadh trí bhearta iomchuí rialaithe agus forfheidhmiúcháin. Thairis sin, úsáidfear Grúpa Saineolaithe an Aontais um Rialú ar Iascach, faoi chathaoirleacht an Choimisiúin, mar fhóram chun trédhearcacht a áirithiú a mhéid a bhaineann le roghnú na dtréimhsí coiscthe ag na Ballstáit uile.
10. Cuirfidh na Ballstáit sin feabhas ar cháilíocht agus ar iomláine na sonraí agus na faisnéise is gá chun tacú leis an méid seo a leanas: i) an measúnú eolaíoch ar an stoc arna dhéanamh ag comhlachtaí eolaíoch a iomchuí, ii) na tuarascálacha ar dhul chun cinn a cheanglaítear faoi Airteagal 9 den Rialachán maidir leis an Eascann, iii) faireachán ar phraghsanna margaidh le haghaidh eascanna atá níos lú ná 12cm mar a cheanglaítear le hAirteagal 7(5) den Rialachán maidir leis an Eascann faoi mhodheolaíocht choiteann comhaontaithe an Aontais.
11. Déanfaidh na Ballstáit sin iarracht, laistigh de theorainneacha a leagan amach institiúideach, tuarascálacha ar dhul chun cinn a sholáthar maidir le cur chun feidhme a bpleananna bainistíochta eascann gach 3 bliana, leis an gcéad tuarascáil eile sin le cur ar fáil faoin 30 Meitheamh 2024, go dtí go mbeidh fianaise láidir eolaíoch ann ar chomharthaí téarnaimh do dhaonra na n-eascann ar fud na hEorpa. Ba cheart na tuarascálacha a ullmhú i gcomhréir le hAirteagal 9 den Rialachán maidir leis an Eascann.
12. Geallann an Coimisiún go n-áireofar ábhair inní na n-eascann sa phlean gníomhaíochta atá ar na bacáin chun acmhainní iascaigh a chaomhnú agus éiceachórais mhuirí a eascraíonn as an Straitéis Bhithéagsúlachta do 2030 a chosaint,
13. In 2023, tacóidh an Coimisiún agus na Ballstáit lena mbaineann le plean bainistíochta fadtéarmach CGIM a fhorbairt don eascann Eorpach agus do na gníomhaíochtaí gaolmhara uile. Á thabhairt dá n-aire an chomhairle ó Choiste Comhairleach Eolaíoch CGIM gur gá aghaidh a thabhairt ar gach foinse básmhaireachta antrapaiginigh a spreagtar go hantrapaigineach, oibreoidh an Coimisiún agus na Ballstáit le chéile chun gníomhaíochtaí láithreacha a fhorbairt chun feabhas agus cothabháil a dhéanamh ar ghnáthóga (agus tús áite á thabhairt do mhurlaigh) agus ar bhealaí imirce araon. Beidh an Coimisiún agus na Ballstáit rannpháirteach go gníomhach sa dara céim de Chlár Taighde CGIM, a bhfuil sé de chúram uirthi 1) anailís shocheacnamaíoch a dhéanamh ar an dúnadh atá beartaithe; 2) faireachán caighdeánach neamhspleách ar iascach a chur chun feidhme ar gach céim de shaolré na heascainne mar aon le hiarrachtaí faireacháin fadtéarmacha ar shonraí atá spleách ar iascach, sonraí a bhaineann le hiascairí; 3) gníomhaíochtaí feasachta geallsealbhóirí a dhéanamh; 4) oibriú ar mhódúlachtaí le haghaidh scéimeanna cúitimh d’iascairí; agus 5) staidéir phiolótacha a dhéanamh i bpríomhshuíomhanna. Beidh an Coimisiún agus na Ballstáit rannpháirteach freisin agus éascóidh siad obair an Choiste um Chomhlíonadh maidir le measúnú a dhéanamh ar chur chun feidhme ceart na dtréimhsí coiscthe ag na Páirtithe Conarthacha uile, rud a chuideoidh le cothroime iomaíochta a áirithiú.

RÁITEAS COMHPHÁIRTEACH ÓN gCIPIR AGUS ÓN nGRÉIG maidir le stoic ICCAT, cláir rialaithe agus iascaireacht NNN

‘Cuireann an Chipir agus an Ghréig in iúl go n-easaontaíonn siad leis an gcomhaontú a rinneadh le déanaí in ICCAT, go háirithe maidir le Tuinnín Colgach na Meánmhara, lena bhforáiltear do leithdháileadh cuótaí méadaithe gan údar ar an Tuirc. Agus é á chur san áireamh acu go bhfuil soithí iascaireachta na Tuirce ag leanúint de ghníomhaíochtaí neamhdhleathacha, neamhthuairiscithe agus neamhrialáilte (NNN) sa Mhuir Aeigéach agus sa Mheánmhuir Thoir, tá gá le cur chuige díchill chuí agus rannpháirtíocht níos láidre ón gCoimisiún Eorpach agus ó EFCA, i gcomhréir le creat ábhartha an Aontais, chun gníomhaíochtaí iascaireachta NNN sa limistéar a chomhrac go héifeachtach.

I ndáil leis sin, tá sé rithábhachtach freisin go n-áiritheoidh an Coimisiún cur chun feidhme éifeachtach fhorálacha Rialachán 1005/2008 ón gComhairle, lena mbunaítear córas Comhphobail cuimsitheach éifeachtach chun iascaireacht NNN a chosc, a dhíspreagadh agus a dhíothú.

Thairis sin, iarrann an Chipir agus an Ghréig ar an nGníomhaireacht Eorpach um Rialú ar Iascach (EFCA) tacaíocht oibríochtúil thiomnaithe bhreise a chur ar fáil don Chipir agus don Ghréig, lena n-áirítear soithí patróil, imscaradh aerárthaí, chomh maith le híomhánna satailíte agus oiliúint ábhartha, chun teicneolaíochtaí faireachais a úsáid. Ba cheart a áireamh leis sin limistéir mhuirí uile na Cipire, chomh maith leis an mórmhuir in aice láimhe i dtuaisceart agus in oirthuaisceart an oileáin.

Iarrann an Chipir agus an Ghréig ar an gCoimisiún a chomhaontú gur cheart na bearta breise sin a shaothrú faoi chomhordú EFCA do chlár chomh-implonaithe na Meánmhara, agus ba cheart iad a fhorbairt ar bhealach lena gcumhdófar méid iomlán na gcriosanna muirí uile sa dá thír, chomh maith leis an mórmhuir in aice láimhe, chun na bearta caomhnaithe agus bainistíochta a chur chun feidhme ina n-iomláine, chomh maith le bearta faireacháin, rialaithe agus comhlíontachta arna nglacadh ag an gCoinbhinsiún Idirnáisiúnta um Chaomhnú Thuinníní an Atlantaigh (ICCAT), agus ag an gCoimisiún Ginearálta Iascaigh don Mheánmhuir (CGIM). Ba cheart na bearta sin a bheith i gcomhréir le forálacha ábhartha an dlí idirnáisiúnta agus dhlí an Aontais agus ba cheart go mbeadh sé mar aidhm leo cultúr comhlíontachta i gcoinne gníomhaíochtaí iascaireachta NNN agus cothroime iomaíochta a chur chun cinn.’

RÁITEAS ÓN SPÁINN, ÓN bPORTAINGÉIL AGUS ÓN nGRÉIG

‘Is oth leis an Spáinn, leis an bPortaingéil agus leis an nGréig an easpa leithdháilte bhreise do shoithí mionscála ó oileánraí sonracha sa Ghréig (na hOileáin Iónacha), sa Spáinn (na hOileáin Chanáracha) agus sa Phortaingéil (na hAsóir agus Maidéara), rud a chiallaíonn go gcaillfear na cearta a fuarthas in 2018 faoi chuimsiú ICCAT inar aithníodh coinníoll speisialta na gcabhlach thuasluaite. Tathantaímid ar an gCoimisiún teacht ar chomhréiteach agus é mar aidhm an cuóta breise a choinneáil.

Measaimid gur cheart don Aontas leanúint de thacaíocht a thabhairt do na cabhlaigh sin, de bheith i gcomhréir lena bheartais sna fóraim éagsúla ina ndéanann sé cabhlaigh tuinníní cósta na réigiún sárpheirifneach a chosaint.’

RÁITEAS ÓN ÍSILTÍR

‘Tugann an Ísiltír dá haire an Togra ón gCoimisiún Eorpach le haghaidh Rialachán ón gComhairle lena socraítear le haghaidh 2023 na deiseanna iascaireachta le haghaidh stoic éisc áirithe, is infheidhme in uiscí an Aontais, agus, i gcás soithí iascaireachta de chuid an Aontais, in uiscí áirithe nach uiscí de chuid an Aontais iad, chomh maith le deiseanna iascaireachta den sórt sin a shocrú le haghaidh 2023 agus 2024 le haghaidh stoic éisc áirithe dhomhainfharraige.

D’ainneoin ár gcomhaontú leis an Rialachán foriomlán, tá inní fós ar an Ísiltír maidir le comhréireacht na mbeart eascann atá san áireamh. Tá an Ísiltír tiomanta do théarnamh an stoic eascann. Tá an plean náisiúnta téarnaimh eascann i bhfeidhm againn, dá bhrí sin. Tá iarmhairtí tromchúiseacha socheacnamaíocha ag an dúnadh 6 mhí d’iascaigh ag gach céim de shaolré na heascainne. Ag an am céanna, éifeacht theoranta a bheidh aige ar théarnamh an stoic eascann ós rud é gurb iad fachtóirí eile seachas iascaigh is cúis le básmhaireacht eascann den chuid is mó.

Tá an Ísiltír i bhfabhar cur chuige comhréireach iomlánaíoch trí bhíthin an Rialachán maidir leis an Eascann a neartú. Ar an gcaoi sin, féadfar gach fachtóir básmhaireachta chomh maith le gnéithe eacnamaíocha sóisialta a chur san áireamh.’
